

## A Daniyeli:

### ❖ Gusenga mu bihe by'akaga

- Kubera kwiringira Imana kwa Daniyeli, yahawe ubumenyi, ubushobozi bwo gusobanura inzozi, n'ubwenge (Daniyeli 1:8, 17, 20). Igihe ubuzima bwe n'ubw'inshuti ze bwari mu kaga, yiyambaje Imana mu isengesho (Daniyeli 2:17–23).
- Kubera imibereho yo gusenga, ni iyihe mico Daniyeli yagize (Daniyeli 6:3–5)?
- Ijuru ryitaga ku gusenga kwa Daniyeli (Daniyeli 9:20–23; 10:12). Guca uyu murunga ni byo byonyine byajyaga gushoboza abanzi be kumugirira nabi (Daniyeli 6:5–7).
- Ubwo Daniyeli na none yari akangishijwe gupfa, yakomeje akamenyero ke ko gusenga (Daniyeli 6:10):
  - (1) Ntiyahinduye gahunda ye, gusenga gatatu ku munsu
  - (2) Byari byitezwe, gukingura amadirishya yerekeye i Yerusalemu
  - (3) Yari afite akamenyero kihariye; yasengaga apfukamye
  - (4) Gusenga byibandaga ku gushima no kwinginga

### ❖ Gusenga mu nyifato ikwiriye

- Iyo dusenga, tuvugana n'Imana nk'abavugana n'inshuti. Ariko Imana ntabwo imeze nkatwe. Ni Umwami w'Isanzure yose.
- Kubw'iyi mpamvu, umuco wa Daniyeli wari uwo gupfukama imbere yayo asenga, mu kuyihamya nk'Umwami we.
- Kubera ko dushobora gusenga Imana aho turi hose no mu gihe icyo ari cyo cyose, si ko buri gihe bishoboka cyangwa ngo bibe ngombwa kubikora muri ubu buryo.
- Guhombeka amaso bituma duhugira ku isengesho gusa, ariko mu bihe bimwe na bimwe ntibishoboka (umuntu ari kugenda, atwaye imodoka, n'ibindi).
- icy'ingenzi ni uko amasengesho yacu akorwa mu cyubahiro Imana ikwiriye.
- Muri Bibiliya dusangamo ingero z'abantu basenze mu buryo butandukanye, bitewe n'ibihe byihariye bari barimo.
  - (1) Yehoshafati yasanze ahagaze imbere y'iteraniro (2 Ngoma 20:5)
  - (2) Dawidi yicaye imbere y'Imana atanga ishimwe (2 Ngoma 7:18)
  - (3) Salomo yasanze apfukamye, azamuye amaboko ye (1 Abami 8:54)
  - (4) Abantu bubamye hasi kugira ngo basenge (Nehemiya 8:6)
  - (5) Dawidi yasanze ari ku gisasiro cye (1 Abami 1:47)
  - (6) Nehemiya yarahagaze maze asenga bucece imbere y'umwami (Nehemiya 2:1–4)
- Uko twaba tumeze kose, Bibiliya idushishikariza gusenga ubudasiba (1 Abatesalonike 5:17), mu buryo budacogora (Abakolosayi 4:2) ndetse bushikamye (Abaroma 12:12).

## B Henoki:

### ❖ Imibereho yo gusenga

- Henoki yabayeho mu bihe bigoye, ubwo ubuhenebere bw'ababanjirije umwuzure bwagendaga bwiyongera. Kuvuka k'umwana we kwatumye amenya Imana biruseho cyane, maze umubano we na Yo urāguka (Itangiriro 5:21–24).
- Isengesho ryari ingenzi cyane muri uwo mubano. Uko umurimo we warushagaho kuba mwinshi kandi wihutirwa, ni ko amasengesho ye yarushagaho gesenganwa umwete no gushikama. Hari igihe yajyaga ahantu hiherereye kugira ngo arushagaho gusabana n'Imana. Ariko, buri gihe yasubiraga mu bantu kugira ngo abasangize kumenya Imana kwe.
- Imana iratwumva twaaba mu rujya n'uruza rw'ubuzima bwa buri munsu ndetse no mu ituze ryo mu rwiherero. Nta hantu na hamwe ku Isi idashobora kutubona no kutwumva. Dushobora gusenga mu magambo (bidufasha guhugira kuri byo), cyangwa tukabikora tutabumbuye umunwa (bidufasha kugaragaza ibitekerezo byacu). icy'ingenzi ni ukudahwema kuvugana n'Imana mu isengesho.

## **C Mose:**

### **❖ Kuvugana n’Imana**

- Abisirayeli bamaze kumva ijwi ry’Imana rivugira kuri Sinayi, basabye ko itazongera kuvugana na bo imbonankubone, kuko batinyaga gupfa kubera ijwi ryayo (Kuva 20:18–19).
- Ibi si ko byari bimeze kuri Mose, wavuganaga n’Imana imbonankubone (Gutegeka 34:10). Mu gihe cy’imyaka 40 (kuva ku gihuru cyaka kugeza ku rupfu rwe), Mose n’Imana bagiranye ibiganiro byihariye bya buri gihe (Kuva 33:9–11).
- Bibiliya ivuga kenshi ibihe byinshi by’iminsi mirongo ine aho Imana yahaye Mose amabwiriza yihariye yo kubaka ihema ry’ibonaniro ikanamugezaho amategeko atari amwe. Muri ibyo biganiro, Mose yanasabiye abantu.
- Ntabwo dufite amahirwe yo kuvugana n’Imana imbonankubone [ubu], ariko isengesho riziba icyo cyuho ritwemerera kuvugana na Yo mu buryo butaziguye.

### **❖ Isengesho ryo gusabira abandi**

- Isengesho ryo gusabira abandi ni iryo dusengeramo abandi bantu (Yakobo 5:16; Matayo 5:44; 1 Timoteyo 2:1–4).
- Mose yasabiye abandi ku Mana mu bihe bitari bimwe no ku mpamvu zitari zimwe:
  - (1) Kubw’abagize imiryango yabo
    - (a) Kubera icyaha cya Aroni (Gutegeka 9:20)
    - (b) Kubera ukwitotomba kwa Miriyamu (Kubara 12:10–13)
  - (2) Kubw’ubwoko
    - (a) Igihe bari bafite inyota (Kubara 15:24–25)
    - (b) Igihe bari bashonje (Kubara 11:11–13)
    - (c) Igihe bacumuraga (Kubara 32:30–32)
- Ni iki cyatumye Mose asengera abandi? Ni na cyo gikwiriye kubidutera: urukundo dukunda abo dusengera.